

Hereamu

Yanomae thë ã oni

Tototobi - Abril 2001

Númeru 9



Joãozinho professor wamapi utheri ethëã.

Demini thë urihiha yama ki esitamuwi ya thë oni thaprema, curso de português thë ha yama ki esitamuwi Yanomae yama kinë Yanomae jorna yama a thaprema.

Napë thuë professora Clenimë wamariki hiramama professora thuënë Yanomae wamariki hiramã ãi thë yama kiyaximonimi yama e ki yai oho te totihioma.

Watirikhamë kami Tototbi thëri yama ki kãe pree hwexio paxioma. 9 thuë thë pë pairoma thë pë esi pree tutamuma. Inaha kami Yanomae yama ki pree kuai paxio.

Napë pë ã hwa ãi thë yama ki horimu pihioimi yaro, napë yama thëã toai phio paxio yaro Watorikiha yama ki esitamuwi.

Yanomae yama ki xiro kôkaproma Watoriki thëri pëxë, Tototobi thëri yama kixë, Ixima thëri xë, Ajuricaba thëri xë.

Ajuricaba thëri xë **Antonio professor**

Ixima thëri xë **Vitorino professor**

Watoriki thëri xë **Daniel professor**


Wanapi uthëri xë **Joãozinho professor**

Apia hi ki thëri xë **Gerson microscopista**

Pia uthëri xë **Lourenço professor**

Novo Demini thëri xë **Abraão microscopista**

Kokoiu thëri pëxë **Sanirao professor, Alipio professor, Geraldo microscopista**



Kami yama ki kutupë xuwëiwi thë ã oni



Kaxupani yama ki kutupë xuwëiwi thë ã.

Yama ki mathë moku xuwërayu.

Yama ki ninio thë yama ki huimi.

Yama ki huu thë yama ki mathë moku xuwërayu.

Yama ki pirio thë yama ki xiro harorayu.

Wãisipë thë nini ha yëteikini thë xuwërayu.

Kutupë ha thë wãisipë xuwërayu.

Kuwë yaro yama ki nini kiripro mahi.

Huu tihi maori thë yama ki mathë moku xuwërayu.

Kami yama kini kaxupa yama a wai tanimi.

Kaxupa a wai kuo thë koraha yama pë waimi.

Yama ki huu xiwaripru thë yama ki mathë moku pree xuwërayu.

Yama ki kutupë xuo thë wamotima thë waimi.

Magoado e thë ã oni



Awei, huu hi moku patarayu tēhē tihi moku ria wēyu, yano kikinī kutaopē naha tihi kī ria wēyu.



Hwei poripa a haimi. ai aha noma a ha kōrinī ai a ha hwaa ha kōrinī yano kikinī kutaopē naha tihi kī ria wēyu. Ari a hereamu, kama e tihi kī yai yaro.



Awei, yama tihi kī yai noamāi tēhē rope tihi kī yai hwaī yama tihi kī heriarai mao tēhē tihi kī xiro nomarayu.

Yama kī yai mōyamio tēhē yama kī iaī. Yama kī yai mōyamio mao tēhē tihi kī nomaimi.



Awei, hwei poripa aha nomarayu tēhē ai a hwaa kōrayu makii, a ha noma aha kōrinī tihi kī ria wēyu pihio. Yano kiki kutaopē naha tihi kī ria hīpi.

Awei, kami Yanomae yama kī yai mōyamio pē yama kī mōyamio mao tēhē tihi kī noamaimi. Yama kī yai mohotio tēhē tihi kī nomarayu. Yama kī yai mōyamio tēhē tihi kī nomaimi.

Romario e thē ā oni



Renāoyamaathama.

Dia 30 de março de 2001 thē kuo tēhē yama kī ā hwaī kōma.

thi tēhē meiodia yama kī yai huraparioma. Yama kī ha huraparinijornalyaa a thaixoama.

Kami Yanomae professores yama kī ni jornal yama a tha pounimi kuē yaro. Jornal yama a kohipē ximāi.

kama missionário ethē ā kopema yaro hwei jornal yama aximirema.

Kami Yanomae yama kī ni missionário wamakī peximaimi.

Winahamissionário wamakī pihī hākuni paurhiwama ahukēaipihiotha?

Kami yanomae yamakī urhipē paxio. Kutaani urhiyama anamai.

Kahonapē wamakī urhipēimi.

Kami Yanomae yamakī urhipē paxio yarourhiyama a kohipēnoamai.

kuē yaro professor yama kī ni jornal yama a kohipē ximirema

Kami Yanomae yamakī urhipē wāriamupihioimi. Hapa pata thē pē pihī mohotio tēhē urhiwama a wāriahikiarema yaro.

kuē yaro hwei tēhē urhiyama a wāriamai pihio kōtaimi.

Kami yama kī rarohē rayuwiyamakī pihī haxaari prairini urhiyama a kohipēnoamai. kami yamakī mōyamiahē rayuwiyamakī ni napē wamakī peximaimi.

54 Yanomae yamakī kuoma.

Pia u theripēxē, Kokoi u theri pēxē, Apiahi kī theri pēxē, Okarasipi theri pēxē, Koyopi theri pēxē.

Enio ethē ā oni.

Yama kī thou haiwi thē ā oni

Kami yanomae yama kī ni urihī yama a noamāi mao tēhē garimpeiro pē aheteario, yama kī pihī kuē yaro kami yama kī ni garimpeiro yama pē peximaimi.

Hapa kami yama kī pihī mohotio tēhē garimpeiro pēni yama kī urihī pē wāriaremahe; kuē yaro kami yama kī pihī mōyamā hikiparioma yaro jornal yama a ximāi.

Kami yama kī ni urihī yama a wāriamāi pihio kotaimi. Kuē yaro urihī yama a kohipē noamāi kami yanomae yama kī ni.

Hapē naha pata thē pē kutaoma Koyopi yanoha, thē pē hereamou hā.

Jeremias tuxawa kokoi u theri;

Abel tuxawa Okarasipi theri;

Bilo tuxawa Koyopi theri;

Bruce tuxawa kokoi u theri;

Ronaldo tuxawa Apia hi kī theri;

Sarnesi Apia hi kī theri;

Kirāo professor Koyopi theri;

Kiriāo Okarasipi theri;

Dimas Apiahi kī theri;

Daniel Koyopi theri;

Keni professor Karixa Yanomami.

haha yama kī kutaoma yama kī hereamou hā.

Kami yaha kī ni Jornal yaha a thama Kenixē Sanimaoxē.